



**BOSNA I HERCEGOVINA**  
**TUŽILAŠTVO-TUŽITELJSTVO BOSNE I HERCEGOVINE**  
**SARAJEVO**  
Broj: **KT - RZ 88/06**  
Sarajevo, 10.10.2006. godine



**SUDU BOSNE I HERCEGOVINE**  
**SARAJEVO**

- Sudiji za prethodno saslušanje -

Na osnovu članka 35. stavak 2. točka h), članka 226. stavak 1. i članka 227. stavak 1. Zakona o kaznenom postupku Bosne i Hercegovine, p o d i ž e m:

**OPTUŽNICU**

**Protiv:**

**RAMIĆ NISETA** zv. „**Minđuša**“, sina **Hasana** i majke **Fate** rođene **Sejdić**, rođenog 18.10.1970. godine u selu **Gornja Seoča**, općina **Visoko**, gdje je i nastanjen, Bošnjak, državljanin **BiH**, **SSS**, nezaposlen, neoženjen, ranije osuđivan presudom Vojnog suda u **Ljubljani** broj: **LK-17/90** od 28.03.1990. godine zbog kaznenog djela iz čl. 165. st.1. **KZ SR Slovenije**, presudom Višeg suda u **Zenici** broj: **K-5/96** od 24.07.1996. godine zbog kaznenog djela iz čl. 151. st. 2., čl. 151. st. 1. i čl. 36. st. 2. preuzetog **KZ-a RBiH**, presudom Općinskog suda u **Vitezu** broj: **K-267/98** od 30.07.2001. godine zbog kaznenog djela iz čl. 36. st. 1. u svezi čl. 19. preuzetog **KZ SFRJ**, presudom Kantonalnog suda **Zenica** broj: **K-70/97** od 16.01.2003. godine zbog kaznenog djela iz čl. 151. st. 1. **KZ FBiH**, nalazi se na izdržavanju kazne zatvora u **KPD Zatvorenog tipa Zenica** po presudi Kantonalnog suda u **Zenici** broj: **KV-152/01** od 19.10.2001. godine, zbog kaznenog djela teški slučajevi razbojničke krađe i razbojništva iz čl. 151. st. 2. **KZ RBiH**, i kaznenog djela ubojstva iz čl. 36. st. 2. toč.4. **KZ RBiH**,

**Što je:**

Za vrijeme oružanog sukoba između Teritorijalne obrane Republike Bosne i Hercegovine i Vojske Srpske Republike Bosne i Hercegovine, kao pripadnik diverzantske čete u sastavu 2. odreda Općinskog štaba Teritorijalne obrane **Visoko**, iz **Visokog**, postupao protivno pravilima međunarodnog humanitarnog prava, pri tome kršeći odredbe članka 3. stavak 1. točka a) i članka 31. Ženevske konvencije o zaštiti civilnih osoba za vrijeme rata od 12.08.1949. godine, tako što je dana 20.06.1992. godine, u ranim jutarnjim satima provodeći

akciju Općinskog štaba Teritorijalne obrane Visoko, oduzimanja naoružanja u naseljima **Vilenjak, Kalotiči, Hlapčevići i Paljike, općina Visoko**, naoružan automatskom puškom došao u naselje Hlapčevići i naredio grupi od oko 8 vojnika koje je predvodio, među kojima su bili Muhamed Uzunalić zv. "Muha" i [REDAKTIRANO] da opkole kuće mještana srpske nacionalnosti i to kuće [REDAKTIRANO] a potom zajedno sa vojnicima iz kuća izveo [REDAKTIRANO]

[REDAKTIRANO] te vojnicima naredio da im uže tom povežu ruke i da izvrše pretres navedenih kuća, a zarobljenim civilima da se postroje u vrstu upute u pravcu Omladinskog doma u mjestu Hlapčevići, a zatim da se zaustave i postroje uz zid kuće vlasništvo [REDAKTIRANO] što su zarobljeni civili i učinili, da bi potom prozvao [REDAKTIRANO] da izađe iz vrste i da informacije gdje se nalazi sakriveno oružje i minska polja, pa nakon što ovaj nije dao odgovor, optuženi je pucao u njega rafalnom paljbom, nakon čega je usljed zadobivenih povreda [REDAKTIRANO] pao na tle, a optuženi se zatim okrenuo prema ostalim zarobljenim civilima i otvorio rafalnu paljbu u njihovom pravcu, a potom promijenio okvir svoje automatske puške i još jednom otvorio rafalnu paljbu po civilima koji su ležali na zemlji, a nakon toga se zajedno sa prisutnim vojnicima udaljio u pravcu mjesta Kalotiči, dok je od posljedica nanesenih prostrijelnih rana kod [REDAKTIRANO] nastupila trenutna smrt, a teške tjelesne povrede kod [REDAKTIRANO] usljed kojih je [REDAKTIRANO] na putu do bolnice preminio, te tjelesne povrede kod [REDAKTIRANO]

**dakle**, u vrijeme oružanog sukoba u Bosni i Hercegovini između Teritorijalne obrane Republike Bosne i Hercegovine i Vojske Srpske Republike Bosne i Hercegovine, kršeći odredbe članka 3. stavak 1. točka a) i članka 31. Ženevske konvencije o zaštiti civilnih osoba za vrijeme rata od 12.08.1949. godine učinio ubijanja napadom na civilno pučanstvo koji napad je posljedovao smrću i teškim tjelesnim povredama istih,

čime je počinio kazneno djelo Ratni zločin protiv civilnog pučanstva iz članka 173. stavak 1. točke a) i c) Kaznenog zakona Bosne i Hercegovine, a u svezi sa člankom 180. stavak 1. istog zakonskog propisa

S toga,

## **PREDLAŽEM**


**Da se pozovu:**

- Tužitelj Tužiteljstva Bosne i Hercegovine,
- Osumnjičeni: Niset Ramić, nalazi se na izdržavanju kazne zatvora u KPZ Zatvorenog tipa Zenica
- branitelj Fahrija Karkin, odvjetnik iz Sarajeva,

**1. Da se provedu dokazi:**

**a) Saslušanjem u svojstvu svjedoka:**

- 1.
- 2.
- 3.
- 4.
- 5.
- 6.
- 7.
- 8.
- 9.



**b) Saslušanjem u svojstvu vještaka**

- 1.
- 2.



**c) Uvidom u:**

- Odluku Predsjedništva Republike Bosne i Hercegovine o proglašenju neposredne ratne opasnosti („Službeni list R BiH” broj: 1/92 od 09.04.1992. godine),
- Uredbu Predsjedništva Republike Bosne i Hercegovine o ukidanju dosadašnjeg Republičkog štaba Teritorijalne obrane i obrazovanju Štaba Teritorijalne obrane Republike Bosne i Hercegovine („Službeni list R BiH” broj: 1/92 od 09.04.1992. godine),
- Odluku Skupštine srpskog naroda u Bosni i Hercegovini o formiranju Vojske Srpske Republike Bosne i Hercegovine („Službeni glasnik Srpskog naroda u BiH” broj: 6/92 od 12-17.05.1992. godine),
- Odluku Predsjedništva Republike Bosne i Hercegovine o proglašenju ratnog stanja („Službeni list R BiH” broj: 7/92 od 20.06.1992. godine),
- Dopis Organa bezbjednosti Opštinskog štaba odbrane Visoko broj: 03/851-1 od 07.12.1992. godine,
- Dopis Opštinskog sekretarijata odbrane Visoko broj: 2/2-841-186 od 07.12.1992. godine,
- Zaključak i mišljenje vještaka [redacted] specijaliste sudske medicine od 03.07.2006. godine u svezi povreda koje je zadobio [redacted]
- Sudsko-psihijatrijski nalaz prof. dr. [redacted] specijaliste neuropsihijatra od 05.10.2006. godine u pogledu uračunljivosti osumnjičenog Niseta Ramića,
- Karton ranjavanja za [redacted] izdan od strane Javne ustanove „Dom zdravlja sa poliklinikom” Visoko od 21.04.2006. godine,
- Istoriju bolesti sa pratećom medicinskom dokumentacijom za [redacted] broj: 801,
- Zapisnik o ekshumaciji Okružnog suda u Srpskom Sarajevu broj KRI 15/99 od 03.06.1999. godine,
- Prijemni list broj: 42 od 20.06. 1992. godine za [redacted] Gradska Groblja d.o.o. Visoko,

- Obdukcioni zapisnik-spoljašnji pregled za [REDAKTIRANO] broj: 40-SP/92, Gradska groblja Visoko,
- Prijemni list broj: 40 od 20.06. 1992. godine za [REDAKTIRANO] Gradska Groblja d.o.o. Visoko,
- Obdukcioni zapisnik-spoljašnji pregled za [REDAKTIRANO] broj: 38-SP/92, Gradska groblja Visoko,
- Prijemni list broj: 43 od 20.06. 1992. godine za [REDAKTIRANO] Gradska Groblja d.o.o. Visoko,
- Obdukcioni zapisnik-spoljašnji pregled za [REDAKTIRANO] broj: 41-SP/92, Gradska groblja Visoko,
- Zapisnik o prijemu stvari sa leša za [REDAKTIRANO] Gradska groblja Visoko - Mrtvačnica,
- Potvrdu o smrti za [REDAKTIRANO] od 18.06.1999. godine,
- Prijemni list broj: 64 od 27.06. 1992. godine za [REDAKTIRANO] Gradska Groblja d.o.o. Visoko,
- Dozvolu o sahrani umrlog [REDAKTIRANO] od 20.06.1992. godine,
- Sprovodnica za prenos mrtvacu broj: 20/28 za [REDAKTIRANO] RO RMC „Džemal Bijedić“ Zenica, OOUR Regionalna bolnica, Služba za prijem bolesnika,
- Potvrdu o smrti za [REDAKTIRANO] od 18.06.1999. godine,
- Izvod iz kaznene evidencije na ime Niset Ramić izdat od strane Policijske stanice Visoko broj: 08-03/5-3-04-7-3158/2006 od 21.04.2006. godine,

*Rezultati istrage koju je provelo ovo Tužiteljstvo na nedvojben način potvrđuju osnovanost ove optužnice, odnosno, navoda da je osumnjičeni Niset Ramić na način, u vrijeme, u mjestu i pod okolnostima, kako je to navedeno u izreci optužnice, počinio kaznenopravne radnje navedene u ovoj optužnici, a iz kojih radnji proizlaze sva bitna obilježja kaznenog djela Ratni zločin protiv civilnog pučanstva iz članka 173. stavak 1. točka a) i c) Kaznenog zakona Bosne i Hercegovine, a u svezi sa člankom 180. stavak 1. Kaznenog zakona Bosne i Hercegovine.*

*Dokazima koje je Tužiteljstvo pribavilo tijekom istrage, kako materijalnim tako i iskazima saslušanih svjedoka, utvrđeno je da Niset Ramić predmetno kazneno djelo počinio u vrijeme oružanog sukoba između Teritorijalne obrane Republike Bosne i Hercegovine i Vojske Srpske Republike Bosne i Hercegovine, u mjestu Hlapčevići, općina Visoko, u svojstvu pripadnika diverzantske čete u sastavu 2. odreda Općinskog štaba Teritorijalne obrane Visoko, iz Visokog.*

**a) Oružani sukob između Teritorijalne obrane Republike Bosne i Hercegovine i Vojske Srpske Republike Bosne i Hercegovine**

*Na temelju amandmana LI i LXXII na Ustav Socijalističke Republike Bosne i Hercegovine, a na prijedlog Skupštine SR Bosne i Hercegovine, Predsjedništvo Republike Bosne i Hercegovine donijelo je na sjednici održanoj 08.04.1992. godine Odluku o proglašenju neposredne ratne opasnosti.*

*Odluka o proglašenju neposredne ratne opasnosti stupila je na snagu u momentu donošenja „odmah“ i objavljena je u „Službenom listu R BiH“, broj 1/92 od 09.04.1992. godine.*

*Temeljem točke III Odluke o proglašenju neposredne ratne opasnosti, Predsjedništvo Republike Bosne i Hercegovine donijelo je na sjednici održanoj 08.04.1992. godine Uredbu o ukidanju dosadašnjeg Republičkog Štaba Teritorijalne obrane i obrazovanju Štaba Teritorijalne obrane Republike Bosne i Hercegovine koja Uredba je stupila na snagu u momentu donošenja a objavljena je u „Službenom listu R BiH“, broj 1/92 od 09.04.1992. godine.*

*Na temelju članka 70. točka 2. Ustava Srpske Republike Bosne i Hercegovine i Amandmana II na Ustav Srpske Republike Bosne i Hercegovine, Skupština srpskog naroda u Bosni i Hercegovini je na sjednici održanoj 12.05.1992. godine donijela Odluku o formiranju Vojske Srpske Republike Bosne i Hercegovine koja odluka je stupila na snagu danom donošenja i objavljena je u „Službenom glasniku Srpskog naroda u BiH“ broj: 6/92 od 12-17.05.1992. godine.*

*Iz materijalnih dokaza koje je Tužiteljstvo Bosne i Hercegovine pribavilo tijekom istrage kao i iz iskaza svjedoka koji su saslušani u Tužiteljstvu Bosne i Hercegovine nedvojbeno proizilazi da je u periodu od proglašenja neposredne ratne opasnosti i inkriminirajućeg dana tj., 20.06.1992. godine na teritoriji općine Visoko i susjednih općina postojao oružani sukob između postrojbi Teritorijalne obrane Republike Bosne i Hercegovine na jednoj strani i Jugoslovenske narodne armije i Teritorijalne obrane srpskih odbrambenih snaga Srpske Republike BiH odnosno od 12.05.1992. godine Vojske Srpske Republike Bosne i Hercegovine na drugoj strani.*

*U Naredenju OP broj:3/92 Štaba TO Opštine Visoko broj: 02/1-3 od 22.04.1992. godine koji je upućen svim Rejonskim Štabovima TO Visoko se između ostalog navodi:*

*„Na teritoriju opštine Visoko neprijatelj vrši koncentraciju snaga i sredstava u rejonu: s.Ljubinići - s.Čekrčiči, s.Grad u rejonu s.Krčevine, s.Dolipolje, Čelin (tt 556) i u rejonu s.D.Zimča, s.Pučiste. Cilj dejstva neprijatelja je da u sadejstvu sa dijelom mjesnog stanovništva u bližem zadatku ovlada teritorijom opštine Visoko na desnoj obali rijeka Fojnica i rijeka Bosna, a u sljedećem zadatku okupira cjelokupnu teritoriju i preuzme kontrolu u gradu Visoko. Neprijatelj raspolaže sa značajnim snagama za izvršenje postavljenog cilja i računa na momenat iznenađenja, slabu pripremljenost i naoružanost kao i nedovoljnu organizovanost snaga odbrane“.*

*U izvješću Komande 1. Srpske Ilijaške brigade str.pov. broj: 02/3-2 od 03.06.1992. godine pod naslovom "Podaci o rasporedu neprijateljskih i vlastitih snaga" između ostalog stoji:*

*"U rejonu odbrane 1 Srpske brigade Ilijaša očekujemo napad neprijateljskih snaga jačine 9000 ljudi i to: Visoko 3500, Breza 1000, Župča 500, Misoča 200, Luka 100, Kakanj 1000, snage pristigle iz Zenice u rejon Breze 1000, Kiseljak 1000.*

*Postojanje oružanog sukoba proizilazi i iz slijedećih materijalnih dokaza:*

- *Naredenja Komande Sarajevsko-Romanijskog korpusa (SRK) str.pov.09/19-192 od 22.05.1992. godine*
- *Operativnog izvještaja Komande SRK str.pov. broj: 01/74-20 od 27.05.1992. godine.*
- *Izvešća Komande SRK str.pov. broj: 10/74-40 od 06.06.1992. godine,*
- *Redovnog izvještaja Komande SRK za 07.06.1992. godine str.pov. broj: 10-74-45 od 07.06.1992. godine,*
- *Instrukcija za dalja dejstva Komande SRK od 07.06.1992. godine,*
- *Izvešća Komande SRK str.pov. broj: 10/74-55 od 12.06.1992. godine,*
- *Izvešća Komande SRK str.pov. broj: 10/74-63 od 13.06.1992. godine,*
- *Izvešća Komande SRK str.pov. broj: 10/74-66 od 14.06.1992. godine,*

- *Izvešća Komande SRK str.pov. broj: 10/74-70 od 15.06.1992. godine,*
- *Izvešća Komande SRK str.pov. broj: 10/74-92 od 20.06.1992. godine,*
- *Izveštaja o organizaciji odbrane Komande 1. brigade Ilijaš pov. broj: 02/5-2 od 06.1992. godine,*
- *Materijala za izradu monografija SRK, Vojna pošta 7491 Ilijaš, str.pov. 04/960-2 od 08.05.1994. godine,*
- *Izvešća Komande SRK str.pov. broj: 10/74-51 od 11.06.1992. godine,*
- *Izvešća Komande SRK str.pov. broj: 10/74-64 od 13.06.1992. godine,*
- *Izvešća Komande SRK str.pov. broj: 10/74-90 od 20.06.1992. godine,*
- *Izvešća Opštinskog štaba TO Visoko broj: 02/75-1 od 29.04.1992. godine,*
- *Obavijesti o zarobljavanju Opštinskog štaba TO Visoko broj: 01/7-1 od 28.04.1992. godine*
- *Naređenja Opštinskog štaba oružanih snaga Visoko broj: 05/248-1 od 14.05.1992. godine,*
- *Naređenja Opštinskog štaba TO Visoko str.pov. broj: 05/67-1 od 10.04.1992. godine,*
- *Naređenja Opštinskog štaba TO Visoko str.pov. broj: 01/57-1 od 06.04.1992. godine,*
- *Naređenja Opštinskog štaba TO Visoko str.pov. broj: 01/57-1-10 od 06.04.1992. god.*
- *Naređenja Opštinskog štaba TO Visoko pov. broj: 8/92 od 11.05.1992. godine,*
- *Naređenja MUP RBiH broj: 01-bb od 31.05.1992. godine,*
- *Zapovijesti za obezbjeđenje objekata, kontrolu teritorije, zaštitu stanovništva i odbranu Štaba TO Ilijaš str.pov. broj: 1/16-1 od 22.04.1992. godine,*
- *Naređenja Opštinskog štaba TO Visoko str.pov. broj: 01/31-3 od 19.06.1992. godine,*
- *Naređenja Opštinskog štaba TO Visoko str.pov. broj: 01/20-1 od 28.05.1992. godine,*
- *Pripremnog naređenja br. 1 Opštinskog štaba TO Visoko od 28.05.1992. godine,*
- *Naređenja Opštinskog štaba TO Visoko str.pov. broj: 02/1-3 od 28.04.1992. godine,*
- *Naređenja Opštinskog štaba TO Visoko str.pov. broj: 02/1-1 od 21.04.1992. godine,*
- *Izveštaja o akciji izvedenoj u rejonu Vlajčići, Vlajčića kosa, Livade Komande 2.OdTO Visoko od 12.06.1992. godine u 10 sati,*
- *Izveštaja o broju poginulih i povrijeđenih pripadnika TO i civila Opštinskog štaba TO Ilijaš broj: 01-64-2/92 od 19.06.1992. godine,*
- *Borbenog izvještaja broj 9 Štaba TO Ilijaš broj: 01/73-4 od 19.06.1992. godine,*
- *Borbenog izvještaja broj 8 Opštinskog štaba TO Ilijaš broj: 01/73-3 od 17.06.1992. godine,*
- *Borbenog izvještaja broj 7 Opštinskog štaba TO Ilijaš broj: 01/73-2 od 15/16.06.1992. godine,*
- *Borbenog izvještaja broj 6 Opštinskog štaba TO Ilijaš broj: 73-1 od 19.06.1992. godine,*
- *Borbenog izvještaja broj 5 Opštinskog štaba TO Ilijaš broj: 01/62-3 od 12/13.06.1992. godine,*
- *Borbenog izvještaja broj 4 Opštinskog štaba TO Ilijaš broj: 01/62-2 od 10/11.06.1992. godine,*
- *Borbenog izvještaja Op. broj 3 Štaba TO Ilijaš broj: 01/62-1 od 10.06.1992. godine u 20,00,*
- *Naređenja Opštinskog štaba TO Visoko str.pov. broj: 01/26-2 od 13.06.1992. godine,*
- *Naređenja Opštinskog štaba TO Visoko str.pov. broj: 01/139-1 od 02.06.1992. godine,*
- *Naređenja Opštinskog štaba TO Visoko str.pov. broj: 05/57-8 od 26.05.1992. godine,*
- *Naređenja Opštinskog štaba TO Visoko str.pov. broj: 05/17-1 od 25.05.1992. godine,*
- *Naređenja Opštinskog štaba TO Visoko str.pov. broj: 01/16-1 od 24.05.1992. godine,*

Istog dana kada je izvršeno kazneno djelo tj., 20.06.1992. godine. Predsjedništvo Republike Bosne i Hercegovine je donijelo **Odluku o proglašenju ratnog stanja**. Odluka o proglašenju ratnog stanja je objavljena u „Službenom listu R BiH“, broj 7/92 od 20.06.1992. godine i stupila je na snagu danom objavljivanja.

#### **b) Svojstvo osumnjičenog**

Iz materijalnih dokaza pribavljenih tijekom istrage nedvojbeno je utvrđeno da je osumnjičeni Niset Ramić u inkriminirajućem periodu bio pripadnik diverzantske čete u sastavu 2. odreda Općinskog štaba Teritorijalne obrane Visoko, iz Visokog.

Ova činjenica proizilazi iz:

- Dopisa Organa bezbjednosti Opštinskog štaba odbrane Visoko broj: 03/851-1 od 07.12.1992. godine,
- Dopisa Opštinskog sekretarijata odbrane Visoko broj: 2/2-841-186 od 07.12.1992. godine.

Da je Niset Ramić u inkriminirajućem periodu bio pripadnik diverzantske čete u sastavu 2. odreda Općinskog štaba Teritorijalne obrane Visoko, iz Visokog proizilazi i iz iskaza svjedoka ██████████ saslušanog pred Tužiteljstvom Bosne i Hercegovine tijekom istrage i iz iskaza samog osumnjičenog Niseta Ramića.

Iz sudsko-psihijatrijskog nalaza stalnog sudskog vještaka, prof. dr. ██████████ se vidi da je u vrijeme izvršenja kaznenog djela sposobnost osumnjičenog Niseta Ramića da shvati značaj djela kojeg čini i upravlja svojim postupcima bila smanjena ali ne bitno i da osumnjičeni Niset Ramić može učestvovati u sudskom postupku i dati adekvatne odgovore na postavljena pitanja.

#### **c) Svojstvo žrtava-oštećenih**

Iz iskaza saslušanih svjedoka kao i iz iskaza osumnjičenog Niseta Ramića nedvojbeno proizilazi osobe lišene slobode nisu bile aktivno uključene u neprijateljstva u relevantno vrijeme, nego su zarobljene kod svojih kuća kao civili u civilnoj odjeći i bez ikakvog naoružanja. Shodno tome zarobljene osobe su prema mišljenju Tužiteljstva Bosne i Hercegovine imale status civilnih osoba i uživale su zaštitu pravila međunarodnog humanitarnog prava.

U tijeku istrage ispitan je osumnjičeni Niset Ramić koji je priznao djelo koje mu se optužnicom stavlja na teret, navodeći da se u maju 1992. godine priključio diverzantskoj četi u sastavu 2. Odreda TO Visoko, kojim je zapovjedao Redžić Emir zv. „Tara“, pa je kritičnog dana sa svojom grupom od 8 vojnika krenuo prema mjestu Hlapčevići u cilju razoružanja mještana ovog sela. Dolaskom u selo Hlapčeviće opkolili su dvije kuće u vlasništvu osoba srpske nacionalnosti i to kuću ██████████ i kuću ██████████. Ubrzo su izvršili pretresa kuće ██████████ i pronašli naoružanje i to dva sanduka municije za automatsku pušku, dva pištolja, veću količinu pištoljske municije, 5-6 ručnih bombi i 2-3 maskirne uniforme sa

oznakama bivše JNA, a potom su iz kuća izveli [REDACTED] kao i [REDACTED] pa je naredio da im vojnici svežu užetom ruke, što su i učinili, a zatim su krenuli u pravcu Društvenog doma u naselju Hlapčevići. Navodi da se iz pravca naselja Kalotiči, dok je vodio grupu zarobljenih Srba čula rafalna paljba i detonacije, te su se zarobljeni Srbi počeli komešati, pa kada ga je [REDACTED] upitao „šta hoće od njih“ njemu se učinilo da zarobljenici žele da pobjegnu, pa je iskočio bočno i naredio im da stanu, uz neku kuću što su oni i učinili i da je dok su oni stajali otvorio rafalnu paljbu u pravcu tih ljudi. Nadalje je istakao da ni sam ne zna zašto je tako reagovao ali valjda zbog toga što nije znao situaciju na terenu i što se bojao da će mu propasti akcija, a zatim je sa svojom grupom vojnika krenuo u pravcu naselja Kalotiči jer je imao osjećaj da se tamo vode žestoke borbe. Navodi da je u pravcu zarobljenika ispalio dva okvira od po 30 metaka i da niko od njegovih vojnika koji su bili prisutni nije pucao na zarobljenike. Po njegovom sjećanju bilo je 5 zarobljenih osoba srpske nacionalnosti i da se među njima nije nalazila osoba pod imenom [REDACTED]

U tijeku istrage saslušano je 9 svjedoka od kojih su dva svjedoka preživjeli, a ostali svjedoci su ili neposredni očevidci događaja od 20.06.1992. godine ili su nakon događaja pomagali preživjelim pružanjem utočišta i prve pomoć. Svi saslušani svjedoci su suglasno naveli da je osumnjičeni Niset Ramić pucao u zarobljene Srbe rafalno ispalivši dva okvira metaka, te da su na licu mjesta ubijeni [REDACTED] kao i [REDACTED] dok je [REDACTED] podlegao na putu do bolnice.

Svjedoci [REDACTED] su suglasno naveli da je kritičnog dana u ranim jutarnjim satima na ulazna vrata njihovih kuća došla grupa vojnika tražeći naoružanje i vršili su pretres kuća. Njih su povezali i osumnjičeni je naredio da krenu u pravcu Omladinskog doma u Hlapčevićima, i kada su došli pred kuću [REDACTED] osumnjičeni je naredio da se postroje pored kuće i pozvao je [REDACTED] da izađe iz vrste uporno zahtjevajući od njega da kaže gdje se nalazi oružje i minska polja, a potom je osumnjičeni rafalno pucao u pravcu [REDACTED] koji je pao na tle. Osumnjičeni je zatim nastavio paljbu i prema njima ostalim tako da su na licu mjesta podlegli [REDACTED] dok je [REDACTED] podlegao od povreda na putu do bolnice. Svjedok [REDACTED] je prebačen u bolnicu u Zenicu dok su [REDACTED] pomoć pružili mještani [REDACTED] što su i potvrdili navedeni svjedoci.

Suglasni su iskazi i svjedoka [REDACTED] koji su naveli da su vidjeli da je osumnjičeni vodio a potom postrojio uza zid kuće zarobljene civile [REDACTED] a zatim je osumnjičeni Niset Ramić rafalno pucao prvo u [REDACTED] a potom i u ostale zarobljene civile koji su svi popadali na zemlju.

Svjedok [REDACTED] je istakao da je bio pripadnik 2. Odreda TO Visoko i da je zapovjednik 2. Odreda bio „Tara“, a da je njemu zapovjednik diverzantsko-izviđačkog voda bio osumnjičeni Niset Ramić. Poznato mu je da su dobili naredbu iz Štaba da se izvrši akcija razoružavanja srpskog pučanstva u Zimči, Hlapčevićima i drugim mjestima koja su davala otpor i da su jednog dana u 6. mjesecu 1992. godine krenuli u izvršenje te naredbe. Navodi da je kritičnog dana vidio osumnjičenog da ispred sebe vodi grupu od 3 muškarca i 2 žene koje je svezanih ruku odveo do jedne muslimanske kuće u izgradnji, gdje ih je postrojio i da je vidio da osumnjičeni nešto govori jednom momku iz te grupe kojeg je izveo prema sebi a da je



zatim vidio je da je osumnjičeni počeo pucati na ovu osobu koja je iskoračila prema njemu iz vrste i nastavio dalje rafalno da puca u pravcu postrojenih osoba a potom su se udaljili.

Svjedok [REDACTED] je naveo da je došao pred kuću [REDACTED] nakon što je prethodno čuo rafalno pucanje, te da je u tom momentu vidio [REDACTED] koji je ležao pogođen i tijela [REDACTED] a na udaljenosti 4-5 metara od njih i tijelo [REDACTED]

Također, i iskazi svjedoka [REDACTED] su u potpunosti suglasni u dijelu gdje navode da su vidjeli četiri naoružana vojnika u maskirnim uniformama kako vode mještane Srbe svezanih ruku na leđima i to [REDACTED] njegovu suprugu [REDACTED] i njegovu majku [REDACTED].  
Nadalje, svjedok [REDACTED] navodi da je nedugo nakon toga čuo rafalnu paljbu a svjedok [REDACTED] da je vidio da je jedan od ovih vojnika ispalio rafal u pravcu postrojenih Srba i da su oni popadali na tle. Oba svjedoka su suglasno navela da je nakon izvjesnog vremena pred njihove kuće došao [REDACTED] koji je bio ranjen u desnu ruku a što je potvrdio i svjedok [REDACTED]

#### **Materijal koji pokrepljuje navode optužnice**

1. Zapisnik o ispitivanju osumnjičenog Niseta Ramića od 12.05.2006. godine,
2. Zapisnik o ispitivanju osumnjičenog Niseta Ramića od 18.05.2006. godine,
3. Zapisnik o ispitivanju osumnjičenog Niseta Ramića od 25.05.2006. godine,
4. Zapisnik o saslušanju svjedoka [REDACTED] od 11.05.2006. godine,
5. Zapisnik o saslušanju svjedoka [REDACTED] od 25.05.2006. godine,
6. Zapisnik o saslušanju svjedoka [REDACTED] od 19.01.2006. godine,
7. Zapisnik o saslušanju svjedoka [REDACTED] od 23.05.2006. godine,
8. Zapisnik o saslušanju svjedoka [REDACTED] od 31.05.2006. godine,
9. Zapisnik o saslušanju svjedoka [REDACTED] od 11.05.2006. godine,
10. Zapisnik o saslušanju svjedoka [REDACTED] od 12.06.2006. godine,
11. Zapisnik o saslušanju svjedoka [REDACTED] od 12.06.2006. godine,
12. Zapisnik o saslušanju svjedoka [REDACTED] od 06.06.2006. godine,
13. Izvod iz kaznene evidencije na ime Niset Ramić izdat od strane Policijske stanice Visoko broj: 08-03/5-3-04-7-3158/2006 od 21.04.2006. godine,
14. Odluku Predsjedništva Republike Bosne i Hercegovine o proglašenju neposredne ratne opasnosti („Službeni list R BiH” broj: 1/92 od 09.04.1992. godine),
15. Uredbu Predsjedništva Republike Bosne i Hercegovine o ukidanju dosadašnjeg Republičkog štaba Teritorijalne obrane i obrazovanju Štaba Teritorijalne obrane Republike Bosne i Hercegovine („Službeni list R BiH” broj: 1/92 od 09.04.1992. godine),
16. Odluku Skupštine srpskog naroda u Bosni i Hercegovini o formiranju Vojske Srpske Republike Bosne i Hercegovine („Službeni glasnik Srpskog naroda u BiH” broj: 6/92 od 12-17.05.1992. godine),
17. Izvješće Komande 1. Srpske Ilijaške brigade str.pov. broj: 02/3-2 od 03.06.1992. godine,

18. *Naređenje Komande Sarajevsko-Romanijskog korpusa (SRK) str.pov.09/19-192 od 22.05.1992. godine*
19. *Operativni izvještaj Komande SRK str.pov. broj: 01/74-20 od 27.05.1992. godine,*
20. *Izvešće Komande SRK str.pov. broj: 10/74-40 od 06.06.1992. godine,*
21. *Redovni izvještaj Komande SRK za 07.06.1992. godine str.pov. broj: 10-74-45 od 07.06.1992. godine,*
22. *Instrukcija za dalja dejstva Komande SRK od 07.06.1992. godine,*
23. *Izvešće Komande SRK str.pov. broj: 10/74-55 od 12.06.1992. godine,*
24. *Izvešće Komande SRK str.pov. broj: 10/74-63 od 13.06.1992. godine,*
25. *Izvešće Komande SRK str.pov. broj: 10/74-66 od 14.06.1992. godine,*
26. *Izvešće Komande SRK str.pov. broj: 10/74-70 od 15.06.1992. godine,*
27. *Izvešće Komande SRK str.pov. broj: 10/74-92 od 20.06.1992. godine,*
28. *Izveštaj o organizaciji odbrane Komande 1. brigade Ilijaš pov. broj: 02/5-2 od 06.1992. godine,*
29. *Materijal za izradu monografije SRK, Vojna pošta 7491 Ilijaš, str.pov. 04/960-2 od 08.05.1994. godine,*
30. *Izvešće Komande SRK str.pov. broj: 10/74-51 od 11.06.1992. godine,*
31. *Izvešće Komande SRK str.pov. broj: 10/74-64 od 13.06.1992. godine,*
32. *Izvešće Komande SRK str.pov. broj: 10/74-90 od 20.06.1992. godine,*
33. *Naređenje OP.broj:3/92 Štaba TO Opštine Visoko broj: 02/1-3 od 22.04.1992. godine,*
34. *Izvešće Opštinskog štaba TO Visoko broj: 02/75-1 od 29.04.1992. godine,*
35. *Obavijest o zarobljavanju Opštinskog štaba TO Visoko broj: 01/7-1 od 28.04.1992. godine,*
36. *Naređenje Opštinskog štaba oružanih snaga Visoko broj: 05/248-1 od 14.05.1992. godine,*
37. *Naređenje Opštinskog štaba TO Visoko str.pov. broj: 05/67-1 od 10.04.1992. godine,*
38. *Naređenje Opštinskog štaba TO Visoko str.pov. broj: 01/57-1 od 06.04.1992. godine,*
39. *Naređenje Opštinskog štaba TO Visoko str.pov. broj: 01/57-1-10 od 06.04.1992. godine,*
40. *Naređenje Opštinskog štaba TO Visoko pov. broj: 8/92 od 11.05.1992. godine,*
41. *Naređenje MUP RBiH broj: 01-bb od 31.05.1992. godine,*
42. *Zapovjest za obezbjeđenje objekata, kontrolu teritorije, zaštitu stanovništva i odbranu Štaba TO Ilijaš str.pov. broj: 1/16-1 od 22.04.1992. godine,*
43. *Naređenje Opštinskog štaba TO Visoko str.pov. broj: 01/31-3 od 19.06.1992. godine,*
44. *Naređenje Opštinskog štaba TO Visoko str.pov. broj: 01/20-1 od 28.05.1992. godine,*
45. *Pripremno naređenje br. 1 Opštinskog štaba TO Visoko od 28.05.1992. godine,*
46. *Naređenje Opštinskog štaba TO Visoko str.pov. broj: 02/1-3 od 28.04.1992. godine,*
47. *Naređenje Opštinskog štaba TO Visoko str.pov. broj: 02/1-1 od 21.04.1992. godine,*
48. *Izveštaj o akciji izvedenoj u rejomu Vlajčići, Vlajčića kosa, Livade Komande 2.OdTO Visoko od 12.06.1992. godine u 10 sati,*
49. *Izveštaj o broju poginulih i povrijeđenih pripadnika TO i civila Opštinskog štaba TO Ilijaš broj: 01-64-2/92 od 19.06.1992. godine,*

50. Borbeni izvještaj broj 9 Štaba TO Ilijaš broj: 01/73-4 od 19.06.1992. godine,
51. Borbeni izvještaj broj 8 Opštinskog štaba TO Ilijaš broj: 01/73-3 od 17.06.1992. godine,
52. Borbeni izvještaj broj 7 Opštinskog štaba TO Ilijaš broj: 01/73-2 od 15/16.06.1992. godine
53. Borbeni izvještaj broj 6 Opštinskog štaba TO Ilijaš broj: 73-1 od 19.06.1992. godine,
54. Borbeni izvještaj broj 5 Opštinskog štaba TO Ilijaš broj: 01/62-3 od 12/13.06.1992. godine,
55. Borbeni izvještaj broj 4 Opštinskog štaba TO Ilijaš broj: 01/62-2 od 10/11.06.1992. godine,
56. Borbeni izvještaj Op. broj 3 Štaba TO Ilijaš broj: 01/62-1 od 10.06.1992. godine u 20,00,
57. Naređenje Opštinskog štaba TO Visoko str.pov. broj: 01/26-2 od 13.06.1992. godine,
58. Naređenje Opštinskog štaba TO Visoko str.pov. broj: 01/139-1 od 02.06.1992. godine,
59. Naređenje Opštinskog štabu TO Visoko str.pov. broj: 05/57-8 od 26.05.1992. godine,
60. Naređenje Opštinskog štaba TO Visoko str.pov. broj: 05/17-1 od 25.05.1992. godine,
61. Naređenje Opštinskog štaba TO Visoko str.pov. broj: 01/16-1 od 24.05.1992. godine,
62. Dopis Organa bezbjednosti Opštinskog štaba odbrane Visoko broj: 03/851-1 od 07.12.1992. godine,
63. Dopis Opštinskog sekretarijata odbrane Visoko broj: 2/2-841-186 od 07.12.1992. godine,
64. Rješenje Kantonalnog suda u Zenici broj: K.5/96 od 15.07.1999. godine,
65. Zaključak i mišljenje vještaka Dr [REDACTED] specijaliste sudske medicine od 03.07.2006. godine u svezi povreda koje je zadobio [REDACTED]
66. Karton ranjavanja za [REDACTED] izdan od strane Javne ustanove „Dom zdravlja sa poliklinikom“ Visoko od 21.04.2006. godine,
67. Istoriju bolesti sa pratećom medicinskom dokumentacijom za [REDACTED] broj: 801,
68. Nalaze-izvještaj ZZMR [REDACTED] Banja Luka za [REDACTED] od 11.11.1992. godine, 26.11.1992. godine, 11. 12.1992. godine, 30.12.1992. godine, 04.01.1992. godine, 25.01.1992. godine, 11.02.1993. godine, 26.02.1993. godine, 15.03.1992. godine, 16.03.1992. godine i 26.03.1992. godine,
69. Nalaz, ocenu i mišljenje Niže vojnolekarske komisije pri VMC Banja Luka za [REDACTED] broj: 100083/6573 od 29.11.1993. godine,
70. Rješenje Sekretarijata za pitanje boraca i žrtava rata opštine Banja Luka broj: 05-534-194/94 od 01.11.1994. godine,
71. Sudsko-psihijatrijski nalaz prof. dr. [REDACTED] od 05.10.2006. godine u svezi uračunljivosti osumnjčenog Niseta Ramića,
72. Zapisnik o ekshumaciji Okružnog suda u Srpskom Sarajevu broj KRI 15/99 od 03.06.1999. godine,
73. Prijemni list broj: 42 od 20.06. 1992. godne za [REDACTED] Gradska Groblja d.o.o. Visoko,

74. Obdukcioni zapisnik-spoljašnji pregled za [REDAKTIRANO] broj: 40-SP/92, Gradska groblja Visoko.
75. Izvod iz matične knjige umrlih za [REDAKTIRANO] broj:07/7-13-1-579/06 od 24.07. 2006. godine.
76. Prijemni list broj: 40 od 20.06. 1992. godine za [REDAKTIRANO] Gradska Groblja d.o.o. Visoko.
77. Obdukcioni zapisnik-spoljašnji pregled za [REDAKTIRANO] broj: 38-SP/92, Gradska groblja Visoko.
78. Prijemni list broj: 43 od 20.06. 1992. godine za [REDAKTIRANO] Gradska Groblja d.o.o. Visoko.
79. Obdukcioni zapisnik-spoljašnji pregled za [REDAKTIRANO] broj: 41-SP/92, Gradska groblja Visoko.
80. Zapisnik o prijemu stvari sa leša za [REDAKTIRANO] Gradska groblja Visoko - Mrtvačnica.
81. Potvrdu o smrti za [REDAKTIRANO] od 18.06.1999. godine.
82. Prijemni list broj: 64 od 27.06. 1992. godine za [REDAKTIRANO] Gradska Groblja d.o.o. Visoko.
83. Dozvolu o sahrani umrlag [REDAKTIRANO] od 20.06.1992. godine.
84. Sprovodnica za prenos mrtvacu broj: 20/28 za [REDAKTIRANO] RO RMC „Džemal Bijedić“ Zenica, OOUR Regionalna bolnica, Služba za prijem bolesnika.
85. Potvrdu o smrti za [REDAKTIRANO] od 18.06.1999. godine.
86. Izvješće KPZ –Zatvorenog tipa Zenica o osuđeniku Ramić Nisetu broj: 04-12-6524/06 od 09.10.2006.godine
87. Pravilnik o kućnom redu u ustanovama za izdržavanje kaznene sankcije, mjera pritvora ili drugih mjera / „Službeni glasnik BiH,, broj:18/05 od 04.04.2005.godine /

#### **Prijedlog za određivanje mjere pritvora**

Sukladno članku 137 stavak 1. Zakona o kaznenom postupku Bosne i Hercegovine Tužiteljstvo BiH predlaže da se prema osumnjičenom Nisetu Ramiću odredi pritvor nakon potvrđivanja optužnice iz razloga predviđenih u članku 132 stavak 1 točka a) i d) Zakona o kaznenom postupku Bosne i Hercegovine.

Kada je riječ o zakonskom osnovu za pritvor propisanim člankom 132 stavak 1 točka a) ZKP BiH Tužiteljstvo BiH ističe da postoji opasnost od bjekstva osumnjičenog ukoliko bi i dalje ostao u KPZ Zenica, jer kao osuđeno lice koje izdržava kaznu po ranijim presudama ima pravo na pogodnosti predviđene prema Pravilniku o kućnom redu u ustanovama za izdržavanje kaznene sankcije, mjera pritvora ili drugih mjera / „Službeni glasnik BiH“ broj:18/05 od 04.04.2005-godine /, te u tom slučaju može da pobjegne, odnosno može da se ne vrati u periodu u kome je zakonito boravio izvan zavoda što je i dosada u dva navrata i učinio.

Naime, prema izvješću KPZ-Zatvorenog tipa Zenica od 9.10.2006.godine protiv osumnjičenog Niseta Ramića vođen je stegovni / disciplinski postupak sukladno članku 71 a u svezi članka 69 stavak 3 Pravilnika o kućnom redu u ustanovama za izdržavanje kaznene sankcije, mjera pritvora ili drugih mjera / " Službeni glasnik BiH" broj:18/05 od 04.04.2005.godine /, obzirom da je koristeći vanzavodske pogodnosti iste zloupotrabio u

periodu od 20.01.1999.godine do 07.08.2000.godine kada je uhićen i sproveden u KPZ Zenica i od 20.08.2005.godine do 21.09.2005.godine kada se sam vratio na izdržavanje kazne. Prema istom izvješću osumnjičenom Nisetu Ramiću zatvorska kazna ističe dana 14.03.2013.godine obzirom da je Odlukom Predsjedništva F BiH broj :01-602/97 od 03.09.1997.godine jedinstvena kazna zatvora u trajanju od 20 godina zamjenjena kaznom zatvora u trajanju od 19 godina, te Odlukom istog predsjedništva broj: 01-011-765/98 od 24.11.1998.godine snižena za 4 mjeseca.

Takode, Tužiteljstvo BiH napominje da polazeći od težine kaznenog djela, kao i posljedica njegovog izvršenja, te činjenice da se prema iskazima saslušanih svjedoka datih Tužiteljstvu BiH u tijeku istrage, jasno se vidi da je osumnjičeni pri izvršenju kaznenog djela naročito isticao po svojoj okrutnosti, koje mu se optužbom stavlja na teret. Ukoliko optužnica bude potvrđena osumnjičeni će biti suočen sa vrlo teškom optužbom, a kako se radi o kaznenom djelu za koje se može izreći kazna zatvora u trajanju od 10 godina, smatram da je neophodno odrediti pritvora prema osumnjičenom zbog sigurnosti građana sukladno članku 132 stavak 1 točka d) Zakona o kaznenom postupku Bosne i Hercegovine.

Kompleksno cijeneci činjenični supstrat sadržan u izreci optužnice, u koji je potkrijepljen dokazima, kako materijalnim tako i subjektivnim, kao jedini mogući zaključak se nameće da se u radnjama osumnjičenog stiču sva bitna obilježja bića kaznenog djela ratni zločin protiv civilnog pučanstva iz članka 173. stavak 1. točka a) i c) Kaznenog zakona BiH, za koje kazneno djelo se i optužuje, te sukladno navedenom predlažem da sudija za prethodno saslušanje Suda BiH potvrdi optužnicu.

